

正寧縣志卷之十三

祥膏志

陽曲折遇蘭佩湘氏撰

天地之大怪怪奇奇無所不有而考其所發類多由於人事故天地順成萬物暢遂是謂之祥祥則有芝草麒麟之瑞三光錯行寒暑失節是謂之膏膏則有螟蝗水旱之徵昔歐陽子序五行志曰君子見物有反常而為變者則思其有以致而為之戒懼然則為民上者奈何樂言瑞而不樂言災耶

周

正寧縣志

祥膏

一

幽王二年西周山川皆震

漢

成帝綏和二年地震自京師至北陲皆震壞城郭壓傷甚眾

新莽始國五年大饑人相食

隋

文帝開皇二十年地震

唐

武德三年自四月至八月不雨

六年秋淋雨害禾稼

元和六年大稔

七年大水漂没人畜

宋

太平興國五年大水

景德二年夏六月大水壞民舍人多溺死

慶歷三年大水溺死甚衆

明

正統二年自夏至秋大雨雹

正寧縣志

祥膏

二

天順八年秋霪雨饑斗米銀三錢

成化七年長城狼出列如行伍占曰羣賊入寇

十九年旱明年大饑斗米銀五錢

十四年正月朔地震

嘉靖十年旱大饑斗米銀三錢

十一年蝗

十三年五月水民舍漂沒殆盡

三十四年冬十二月地大震有聲自西北徂東南
搖動若沉浮狀

三十五年黑青見自山西漸至北地捕人旬餘乃息

萬歷十年旱大饑人相食

十四年大旱

十五年旱饑

十九年大饑人相食

二十七年七月霜

崇正二年地震

七年大饑斗米銀四錢

正寧縣志

祥膏

三

十二年至十四年飛蝗蔽天落地如崗阜斗米銀三兩

國朝

順治三年蝗

十一年地震四十餘日乃止

十二年四月雪盈尺十三十四年旱饑

十五年稔

十六年大稔

康熙二十二年旱饑

三十一年二年饑民就食郡城

三十四年至三十七年連稔斗米銀三四分

四十三年三月黃沙蔽空自辰至晚息

四十八年九月地震至明年正月乃息

五十三年大饑

六十年秋大稔糜雙粒

雍正五年旱斗米銀叁錢

八年地震

十三年夏積雨四十日

正寧縣志

祥青

四

乾隆三年冬地震

五年秋禾未登大風摧隕遍野

六年冬十月地震

十五年秋七月秦家店旅舍有龍破屋而升俄大

雷雨

二十年夏無麥六月雹秋大水

二十三年秋霪雨次年夏旱秋大稔

二十七年八月霜歉

二十八九年俱大稔

按孔子於春秋記災異而不著其事應歐公五行志言災異而不言祥瑞蓋天道遠於人事君子見其變則恐懼修省所以畏天而勤民若必著其事應則旁引曲取如漢書劉向與其子歆之徒以爲洪範八事皆屬於五行至於難通則自相戈矛甚矣其誣也至於合璧聯珠競誇瑞兆適足以怠君子敬畏之心故歐史削之又曰災者被於物而可知者也異者不可知其所由然者也爲民上者誠因事脩省又何必鯁鯁然汎祥膏禍痾之說而強

正寧縣志

祥膏

五

以求合哉

正寧縣志卷之十三

軼事志

陽曲折遇蘭佩湘氏撰

歷代典故雜見於羣書者類多傳聞異辭顧傳信傳疑均資考核玉札丹砂赤箭青芝牛溲馬勃敗鼓之皮兼收并蓄皆所以待用也羅川爲漢唐畿輔近地舉凡遺事闕文前言徃行雖金消石泐尚堪掇拾補綴以備一邑掌故豈得委曰文獻無徵秦始皇崩趙高李斯矯詔立胡亥爲太子僞書賜扶蘇數以不能立功數上書誹謗怨望而蒙恬不矯正皆賜

正寧縣志

軼事

一

死扶蘇發書泣欲自殺恬曰陛下使臣將三十萬衆守邊公子爲監此天下重任也今一使者來安知非詐復請而死未暮也扶蘇曰父賜子死尚安復請卽自殺恬不肯死繫諸陽周後二世卽位欲殺恬恬曰吾積功信於秦三世矣今將兵三十餘萬勢足恃畔然自知必死而守義者不敢辱先人之教以不忘先帝也乃吞藥自

殺通鑑

明皇獲二十七仙像於寧州羅川縣金華洞奇偉異狀各各不同內有心星一座甚美後置真寧觀改羅川爲

真寧縣有玉像圖傳於世晉李石續博物志

沮水自坊州昇平縣北子午嶺出俗號子午水合榆谷

慈馬等川遂為沮水寰宇記

秦所築長城土色皆紫漠塞亦然故稱紫塞崔豹古今注

要冊湫在湫頭鎮宋太宗卽位使臣有過此者夢神告

曰晉王卽帝位矣至京兆果得卽位詔入汴京奏之勅

立玉碑其黑如漆其光如鏡至正元年指揮曹倫上酒

一瓶銀牌一面至天順六年通判陳英禱雨謁湫潮出

酒牌上鐫字賜與通判陳英其至正元年號曹倫姓氏

正寧縣志

軼事

二

如新鐫焉教諭王正補遺記

景忠烈赴舉時宿淳化主家其家之女久為妖所憑百

計遣之不去公至之夜其妖屏跡公去妖復來女詰之

妖云昨夜避文曲星景秀才耳次日女聞之父其父追

及公扣馬邀回且述之以告公以試期迫書景清在此

四字令帖其戶而妖果絕舊志

趙乾所自言吏部時秋病甚神氣委頓殆絕自念平日

投中黃術垂目臍輪握固緊齒提攝幽戶踰時稍定白

湯一杯引氣自溫中夜粥一盂活矣過二日夢於故鄉

讀書處何仙姑投藥一片類桂皮其大若掌食之香徹五內旦起覺精色迥暢欣欣然有所得者

湯顯祖序

流賊最畏總兵曹文詔其兄子標將曹變蛟更驍勇時為之謠曰軍中有一曹流賊聞之心膽搖文詔自隸馬世龍麾下為軍鋒入秦四年春擊賊栗園大勝又克河曲斬賊一千五百餘六月斬王嘉胤是年冬殲點燈子五年春擊殺可天飛郝臨菴獨行狼八月又敗賊甘泉六年春斬代賊千五百級又敗賊榆社又斬陽城賊千餘級乃因小故陷以他事落職二年復予故官賊鋒益

正寧縣志

軼事

三

銳雖屢立功八年五月卒戰死於真寧賊遂益無所憚弟文耀陣歿忻州變蛟亦善戰多功後松山不食死

懷

秋集

